

Jetty Tjung a duna 100% y un "big smile" na turismo pa 30 aña

Condecorá pa Gobierno

Filosofia di Jetty Tjung: "Bo mester yuda ora cu bo ta den negoshi di hotel. Mi ta duna 100% di mi mes tur dia den mi trabao."

Jetty of tante Jet a cumenzá traha cu Manchebo Hotel na 1967 como cashier. Jetty a progresá rapidamente pa head cashier, front office executive, head housekeeper y depsues guest relations manager.

Durante transcurso di aña cu Jetty a traha na Manchebo e tabata semper cla pa yuda y visibel tur caminda. Bo por a pusta dos contra un cu ora bo drenta porta di Manchebo cu Jetty tey pa yamabo Bon-bini.

Jetty gusta e trabao di "brand blusser", sea bo problema por ta cu bo ticket, car-rental of hasta un di dos koppi koffie. Tante Jet tey mesora pa sacabo for di problema. Por ta Jetty no ta papia di su edad, menos su pais di origen pasobra semper e ta druk dunando serviciona e huespednan. Jetty a wordo reconocí pa Caribbean Hotel International durante nan convencion di 1988 como Supervisor di Aña. Despues di su reconocemento Jetty a biaha pa Suiza pa specializá su mes den area di hotel y turismo. Jetty a retirá depsues di casi 30 aña di servicio den e industria.



Turismo, epilar di Aruba su economia. Awe despues di cuater aña di su retiro, ainda Aruba ta ricibí bishitantenan cu ta atribuí nan regreso na e atencion special y e calor humano único cu tante Jet a des-plegá den su trabao.

Jetty ta conta cu anualmente e ta ricibí ainda despues di su retiro, avalancha di postcards, yamanan telefónico, tambe flor cu ta dorna su residencia. Hopi ta e turistanan cu ta ofrecé Jetty nan hospitalidad si cualkier ora Jetty kier bai cu vakantie.

Jetty ta sinti su mes fit y yen di salud y ta kere cu e tey pa rato. Jetty su mensahe na tur persona cu ta duna servicio specialmente den e industria turístico ta pa pone semper un "big smile" riba bo cara y mehorá mañan, locual cu ya bo a haci bon awe.

Un gran basebolista: Ruben Philips Condecorá pa Gobierno

Aruba conocé y a conocé gran basebolistanan cu a destacá tanto riba suelo Arubano como den exterior. Den década 40, 50 y 60 Aruba a conocé diferente hungador di baseball.

Tabata Ruben Philips cu a briya enormemente den e decadanen mencioná. E manera único di lanza bala, di e gran pelotero Ruben Philips, a duné e lugar merecí den nos mundo di deporte.



Ruben Philips, un tremendo pitcher considerá e di mas grandi di tur tempo pa e crónico cu conocé deporte di baseball. Ruben a resaltá grandemente den e deporte di baseball, pero tambe a hunga futbol y softball. Ruben su carrera a cumenzá cu tema di Babe Ruth di San Nicolaas. Tambe el a hunga cu e ekipo di Red Rock Cola.

E gran habilidad cu Ruben a poseé pa hunga baseball a pone cu su servicio a wordo solicitá na Corsow. Eynan Ruben a hunga cu otro streanan di baseball manera Bambino Lake y Baby Philips. Ruben huntu cu Nel Harms a forma e famoso one-two punch cu tabata haci e duo aki uno invencibel. Tambe interes a lanta serca scoutnan internacional profesional convenciendo e gran pelotero Ruben Philips pa e afiliá su mes na baseball pagá; baseball grandi.

Estadía na Merca di Aruba no tabata pa largo den un aña cu el a regresá pa su país. Den su añanan como veterano Ruben a fungi como un umpire semper correcto y cu un gran caracter